庫全書

子部

欽定四庫全書

醫學源流論卷上

許校官太醫院醫士 臣舒 低

編修臣裴誦覆勘 總校官進士臣終

對官助教臣胡予衰 勝録監生 臣程

校


珙

潙

欽定四庫全書 とこりにという 醫學源流論 提要 國朝徐大椿撰其大綱凡七曰經絡臟腑曰脈 而脈之象不過數十種是必以望聞問三 十有三持論多精鑿有據如謂病之名有萬 曰病曰藥曰治法曰書論曰古今分子目 臣等謹案醫學源流論二卷 **醫學源流論** 子部五 醫家類

金灰区屋石潭 陰亡陽之分病有不愈不死有雖愈必死又 祭之又如病同人異之辨 無症無病之别亡 有求勝古人之心而大言失實者以致論病 著明至於有欲敢俗醫之與而矯枉過直者 取而人參論一篇涉獵醫書論一篇尤深切 運氣之說不可泥針灸之法失傳其說皆可 有樂誤不即死樂性有古今變遷內經司天 則自岐黄以外秦越人亦不免武排論方則

スニラミ こうこ 奇齡之說經然其切中庸醫之與者固不可 廢也乾隆四十三年三月恭校上 真字呆未震亨旨遭駁詰於醫學中殆同手 自張機金匱要略傷寒論以外孫思邈劉守 語學原友論 總 總察官紀的臣陸獨熊臣孫士毅 校 官 臣陸 費



醫學源流論原序 洞然 育斯學者之極功也若夫日教 治天下國家使無 也通于天地之故究乎性命之原經絡臟腑氣血骨脈 失彼雖數十里之近不能無及况乎不可治者又非能 てこうえ 死者而使之生其道不已小乎雖然古聖人之治病 小道也精義也重任也賤工也古者大人之學將 如見然後察其受病之 - LI 夫不被其澤甚者天地位而萬 **连回皇子原 和 瑜** 由用藥以驅除 人月治數病顧此 石 調 劑 則

其中自有玄機妙悟不可得而言喻者益與造化相維 舒定四库全書 大人聖賢豪傑可以旋轉乾坤而不能保無疾病之患 無識之徒有所不能窺也人之所係莫大乎生死王公 其義不亦精乎道小則有志之士有所不屑為義精則 人者又非有爵禄道德之尊父兄師保之重既非世之 國 天下之重而天下所係之人其命又懸于醫者下而 有疾病不得不聽之醫者而生殺唯命矣夫一人係 一家所係之人更無論矣其任不亦重乎而獨是其 原序

業逸巡失傅至理已失良法併亡怒馬傷懷恐自今以 至今先信而竊版唐宋以來無儒者為之振與視為下 連年死亡界盡于是博覽方書寢食俱廢如是數年雖 得偉人工賤則業之者必無奇士所以勢出于相違而道 所隆而其人之自視亦不過為衣食口腹之計雖以 無生死肉骨之方實有尋本湖源之學九折臂而成醫 因之易墜也余少時頗有志于窮經而骨月數人疾病 介之微呼之而立至其業不甚賤乎任重則托之者必

次定四華全書 下

往不復有生人之術不揣庸妄用數既言倘有所補所 全者或不僅一人一世已子乾隆丁五秋七月洄溪徐 金罗巴尼台門 大格書於吳山之半松書屋

大三日草 白雪 戒勞動可以無死乎或者日思慮擾之也則屏思慮 生者之言曰天下之人皆可以無死斯言妄也何 四十以後飲食奉養如昔而日且就哀或者日皆 自免乳哺以後始而孩既而長既而壯日勝一 元氣存亡論 則絕皆然可以無死乎或者曰勞動賊之也 醫學源流論 吳江徐大椿撰 Ð 則]

氟 實猶是耳當其受生之時已有定分馬所謂定分者元 **曾無皆然勞苦思慮然而** 慾勢苦思慮然而日減日消此其故何戴益人之生也 金与口唇石量 先其成形之時已有定數譬如置薪於火始燃尚微 顧夏虫而却笑以為是物之生死何其促也而不知我 可以無死乎果能絕嗜怒戒勞動減思慮免于疾病大 則有之其老而既既而死猶然也况乎四十以前未 也視之不見求之不得附于氣血之內宰乎氣血之 卷上 日生日長四十以後雖無嗜

不視病之輕重而視元氣之存亡則百不失一矣至所 雖傷未甚尚可保全之者其等不一故診病决死生者 元氣而病者此不可治者也有因病而傷元氣者此不 不 謂終其天年者也至于疾病之人若元氣不傷雖病甚 堅脆異質也故終身無病者待元氣之自盡而死此所 人則烈新力既盡而火熄矣其有久暫之殊者則新之 可不預防者也亦有因誤治而傷及元氣者亦有元氣 死元氣或傷雖病輕亦死而其中又有辨馬有先傷

飲定四車全書 ·

虚其虚必有一藏大受其害邪入於中 夫有疾病 織皆 體 出入係乎此無火而能令百體皆温無水而能令五 内 者也而其根本所在即道經所 元氣者何所寄耶五藏有五藏之真精此元氣之分 經所 腑 **閥比中一線未絕則生氣一線未亡皆頼此** 相連屬者也寒熱攻補不得其道則實其實而 而保全之法 謂七節之旁中有小心陰陽闔 何如益元氣雖自有所在然實 謂丹田難經所 而精不能續 闢 存乎此 謂 也 命 岩 呼

悔此神而明之之術也若欲與造化爭權而令天下之 盛為害則乘元氣未動與之背城而一次勿使後事生 其勢已横而莫敢使元氣克全則自能托邪于外若邪 不可輕試也若夫預防之道惟上工能慮在病前不使 凡 人終不死則無是理矣 元氣無所附而傷矣故人之一身無處不宜謹護而藥 致病必有因而受病之處則各有部位今之醫者曰 軀殼經絡藏府論

次日の事全書一

甚 傳者其大端則中於經絡者易傳其初不 能盡者乎夫人有皮肉筋骨以成形所謂驅殼也而虚 也 乎藏府之內運乎驅殼之中 為之道路以傳變周流者 其中則有臟府以實之其連續貫通者則 病 金号四层 有 而流於經絡者亦易傳經絡之病深入 必分經絡而後治之似矣然亦知病固 相傳者有不相傳者有久而相傳者有久而終 邪之傷人或在皮肉或在筋骨或在藏府或在 織府則 在經絡或病 非 有經有絡貫 經絡之所

皮肉筋骨者難治亦不易死其大端如此至於驅殺職 其言歷歷可驗則醫之明者矣令人不問何病謬舉 殺之病也故識病之人當直指其病在何職何府何筋 經以籍口以見其頗識內經實與內經全然不解也至 何骨何經何絡或傳或不傳其傳以何經始以何經終 尅相傅惟皮肉筋骨之病不歸經絡者則不傳所謂 府之屬于某經絡以審其針灸用藥之法則內經明言 欠日の日と自 之難易則在經絡者易治在藏府者難治且多死在 醫學源流論

屯 冏 欲 之深求自得也 內筋骨是也何謂裏藏府精神是也而經絡則貫乎其 金戶口屋台書 表之病易治而難死裏之病難治而易死此其大 病本在表而傳於裏病本在裏而并及於表是為內 部 知病之難易先知病之淺深欲知病之淺深先 表裏上下論 在表在裏者又各有難易此不可執一而 位夫人身一也實有表裏上下之别 卷上 馬何 '謂表皮 論 也岩 知病 思

而 者為驅病之本而復其元氣乎故善醫者知病勢之盛 然者無病之處多有病之處少則精力猶可維持使正 病本在下而傳于上是之謂上下兼病亦不易治 寒熱此亦不可執一而論也若夫病本在上而傳子下 外無病尤不易治身半已上之病往往近於熱身半已 氟 下之病往往近於寒此其大畧也而在上在下又各有 C. C. Diet Al this 必傳也豫為之防無使結聚無使泛濫無使併合此 漸充而邪氣亦去若夫一人之身無處不病則以 醫學源流論 £ 所 何

求其標 上工治未病之就也若其已至于傅而必先求其本後 外布者謂之浮陽浮陽則與時升降若人之陽氣則藏 病之生死難易思過半矣 人身象天地天之陽藏于地之中者謂之元陽元陽之 腎中而四布于周身惟元陽則固守于中而不離 陰陽升降論 相其緩急而施治之此又桑榆之收也以此决

四周百書

位故太極圖中心白圈即元陽也始終不動其分陰分

燥唇焦皮膚粗稿所謂天氣不降地氣不升孤陽無附 其竭竭則精液不布或枯燥烈廉泉玉英毫無滋潤舌 防陽氣散越此第一關也至于陰氣則不患其升而患 衛之中以洩其氣耳若元陽一動則元氣鴻矣是以發 以墜安之所以治元氣虚弱之人用升提發散之藥最 陽皆在白圈之外故發汗之藥皆鼓動其浮陽出于營 汗太甚動其元陽即有亡陽之患病深之人發喘呃逆 有陽越之虞其危皆在頃刻必用参附及重鎮之樂

久已9月 A 唐 三

醫 害不旋踵內經云除精所奉其人壽故陰氣有餘則 六經各殊同一疼痛而筋骨皮肉各别又有藏府有 病 銀戶口厚石書 溉陽氣有餘則下固其人無病病亦易愈反此則危故 其病之情狀 之從內出者必由于藏府病之從外入者必由于 人者慎母發其陽而 鴻臌脹為腸胃之病此易知者又有同 治病必分經絡藏府 必有整鑿可徵者如 竭其陰 論 de. 怔忡驚悸為心之 一寒熱 石 經 上

藏府之所在而又知其七情六淫所受何因然後擇 攻之內經所謂誅伐無過則故病未已新病復起醫者 經 來雜藥亂投愈治而病愈深矣故治病者必先分經絡 癢非彼之痛癢病之所在全不 關着無病之處反以藥 てこう!! 以其反增他病又復治其所增之病復不知病之所 根所在而漫然治之則此之寒熱非彼之寒熱此之痛 何藏 反現于肢節肢節有病而反現于藏府若不究其病 對病之藥本於古聖何方之法分毫不與而後 ことう 醫學源流論

必 樂之不當而反咎病之不應樂此理終身不悟也 治之自然 舒定四库全書 病之分經絡藏府夫人知之於是天下遂有因經絡藏 欺人者益治病之法多端有必求經絡藏腑者有不 求經絡藏腑者益人之氣血無所不通而藥性之寒 温凉有毒無毒其性亦一定不移入于人身其功能 ,說而拘泥附會又或誤認穿鑿并有借此神其說 治病 不必分經絡藏府論 一劑而即見效矣今之治病不效者不咎已

無所不補砒鴆之類無所不毒並不常于一處也所以 之病各有所現之處而藥之治病必有專長之功如柴 輩則每藥注定云獨入某經皆屬附會之談不足徵也 古人有現成通治之方如繁金錠至實丹之類所治之 亦無所不到豈有其樂止入某經之理即如參民之類 解消痰者無痰不消其中不過畧有專宜耳至張潔古 病甚多皆有奇效益通氣者無氣不通解毒者無毒不 曰然則用藥竟不必分經絡藏腑耶曰此不然也葢人

次足四年全書 一

響矣故以某藥為能治某經之病則可以其藥為獨治 胡治寒熱往來能愈少陽之病桂枝治畏寒發熱能愈 **某經則不可謂某經之病當用某樂則可謂某樂不復** 太陽之病為根治肢體大熱能愈陽明之病益其止寒 入他經則不可故不知經絡而用藥其失也泛必無捷 治何經之病後人即指為何經之藥熟知其功能實 僅入少陽太陽陽明也顯然者尚如此餘則更無影 已畏寒除大熱此乃柴胡桂枝葛根專長之事因其

金罗口尼

卷上

效執經絡而用藥其失也泥反能致害總之變化不 精藏于腎人盡知之至精何以生何以藏何以出則 存者也其然動交媾所出之精及有病而滑脱之精乃 不知也夫精即腎中之脂膏也有長存者有日生者腎 日生者也具精旋去旋生不去亦不生猶井中之水 而明之存乎其人也 有藏精之處充滿不缺如井中之水日夜充盈此長 腎織精論

欠已日戶戶馬

醫學源流論

九

若縱然不節如淺狹之井汲之無度則枯竭矣曰然則 是又不然益天下之理總歸自然有腎氣盛者多慾無 堅實耳但必浮火不動陰陽相守則可耳若浮火日 不草故受之以革其理然也曰然則縱然可無害乎曰 日派之不見其虧終年不汲不見其溢易云井道不 腎氣哀者自當節養左傳云女不可近乎對曰節之 壮之人而絕然則何如曰此亦無咎無譽惟肾氣界 制之則反有害益精因火動而離其位則必有頭 動 可

金好正屋

變危殆益元氣脱則五藏六腑皆無氣矣竟有元氣深 之道乃長生之訣也 賍 人之死大約因元氣存亡而決故患病者元氣已傷即 制之害也故精之為物感動則生不動則不生能自然 動則有益强制則有害過用則哀竭任其自然而無 勉 目赤身痒腰疼道洩偏墜等症甚者或發癰疽此强 强則保精之法也老子云天法道道法自然自然 蘵 腑先絕論

次定四軍全書 一

之甚與不甚又觀其別藏之盛哀何如更觀其後天之 昧不 氣以養故此臟絕則臟腑皆無禀受矣其餘則視其絕 而 固其根不摇而内中有一藏 亦然其絕之象亦必有顯然可見之處大約其氣尚存 則食入不化肺絕則氣促聲啞六腑之絕而失其所 惟肺絕則死期尤促益肺為藏腑之華蓋藏腑賴 神志精華不用事耳必明醫乃能決之又諸藏腑 知世事肝絕則喜怒無節腎絕則陽道痿縮脾絕 腑先絕者如心絕則昏 司

ľ

卷上

次已四百七十三 · 無異議也若腎中之火則與心相遠乃水中之火也與 飲食何如以此定其吉凶則脩短之期可決矣然大段 有火而腎中亦有火心火為火中之火腎火為水中 心火不類名為相火似屬非宜益陰陽互藏其宅心固 心屬火而位居于上又純陽而為一身之主名曰君火 近世之論心火謂之君火腎火謂之相火此說未安益 亦無過一年者此皆得之目覩非臆說也 君火相火論 醫學源流論

治心火迫然不同故五藏皆有火而心腎二臟為易動 除藥補之若腎火飛越又有回陽之法反宜用温 必先審其何火而後用藥有定品治心火以苦寒治肾 金月口尼 火以鹹寒若二藏之陰不足以配火則又宜取二藏之 心亦有腎火動而心火不動其害獨在腎故治火之法 中之浮火亦隨之亦有心火動而腎火不動其患獨 火腎火守於下心火守于上而三焦為火之道路能 二火相交心火動而腎中之浮火亦隨之腎火動而 1:1:11:1 ري

怔 哉其大要則以胃氣為本益人之所以生本乎飲食靈 故治法宜詳究也若夫相火之說則心胞之火能令人 决其生死何其近于誣也然古人往往百不失一者 極云穀入于胃乃傳之肺五臟六腑皆以受氣寸口屬 生死于人大矣而能于兩手方寸之地微末之動即能 仲面赤煩燥眩暈此則在君火之旁名為相火似為 切試以內經祭之自有真見也 診脈決死生論

次足四軍全書 ~

肺 宜靜細而反洪大則 氣屬水脈宜發夏氣屬火脈宜洪之類反是則與天氣 和調暢得中土之精英此為 金げい 病 肺 大較也其次則推天運之順逆人氣與天氣 不應又其次則審職氣之生尅如脾病畏弦木起土也 脈之從違病之與脈各有宜與不宜如脱血之 病畏洪火尅金也反是則與臓 經為百脈之所會故其來也有生氣以行乎其 1:11 氣亦外脱矣寒熱之症脈宜 有胃氣得者生失者死其 氣無害又其次則辨 相應如春 後脈 間 融

卒中之邪未即通于經絡而脈一時未變者或病輕而 之死生無不能先知則又非也益脈之變遷無定或有 易晓此其可決者也至云診脈即可以知何病又云人 内經難經等書言之明白詳盡學者尚潛心觀玩洞然 絕不營五臟所以何臟有病則何臟之脈獨現凡此皆 而反細弱則真元將陷矣至于真臟之脈乃因胃氣已 難辨其輕重者或有依經傳變流動無常不可執一 不能現于脈者或有沉痼之疾久而與氣血相併一

次足口巨全島

臨 知其何病此皆推 而祭觀之亦百不失一矣故以脈為可憑而脈亦有時 説皆不足聽也 不 死而終 種 脈而定其是非者死病之名有萬而脈之象不過 足憑以脈為不 通經學更深思自得則無所不驗矣若世俗無稽之 且 病而數十種之脈無不可見何能診脈而 不現者則何以決之是必以望聞問三者合 测 可憑而又鑿鑿子其可憑總在醫者 偶中 卷上 レノ JŁ 欺人也若夫真職之脈 BP

金罗巨厚

137

久已日百日日 · 者其中有宜從症者有宜從脉者必有一定之故審之 有 故宜從症者雖脉極 既真則病情不能逃否則不為症所誤必為脈所誤矣 知之皆必問其症切其脉而後知之然症脈各有不 人之患病不外七情六淫其輕重死生之别醫者何由 症 現症極 極險而脉和亦決其必生如 脉輕重論 明而脉中不見者有脉中甚明而症中不見 順而症危亦斷 醫學源流論 脱血之人形如死 其必死宜從脉者 同

b タタ 觀之則某症忌某脉某脉忌某症其舌凶乃可定矣 脉驟變百無一生此又宜從症不從脉也 宜從脈不宜從症也噎膈反胃脈如常人久則胃絕 危 痰厥之人六脉或促或絕痰降則愈此宜從症不 陰虚咳敢飲食起居如常而六脉 在 肺病忌脉数 頃 可枚舉總之脉與症分觀之則吉凶两 刻而六脉 肺屬金數為火火刑金也餘可類推 有根則不 死此宜從脉不從症也 細數久則必死 如 不 比之 可憑合 從脉 類 此 如 而

鈺

月正周白書

此等之病尤當細考一或有誤而從症用藥即死生判 也如冒寒之病反身熱而惡熱傷暑之病反身寒而惡 症者病之發現者也病熱則症熱病寒則症寒此一定 不外五行生尅之理今人不按其症而徒講乎脉則講 スペーション ハーラ 寒本傷食也而反易飢能食本傷飲也而反大渴口乾 之愈密失之愈遠若脉之全體則內經諸書詳言之矣 理然症竟有與病相反者最易誤治此不可不知者 脈 在與病相反論 醫學源流論 基

欲食好飲及至少進即止飲食之後又不易化是也或 熱其時尚未發熱將來必至於發熱此先後之不同也 矣此其中益有故馬或一時病勢未定如傷寒本當發 阻塞營氣不利脈象非其所之或一時為邪所閉脉 其人本體之脈與常人不同或輕病未現于脈或痰氣 新病方發舊病亦現是也至于脈之相反亦各不同或 有别症相雜誤認此症為彼症是也或此人舊有他病 或內外異情如外雖寒而內仍熱是也或有名無實如

舒定匹库全書

然尚非辨症極精脈理素明鮮有不感者也 危險氣通即復或其人本有他症仍其舊症之脉凡此 今之患中風偏痺等病者百無一愈十死其九非其症 為脈症所感否則徒執一 日中風則其病屬風可知既為風病則主病之方必以 類非 不治皆醫者誤之也凡古聖定病之名必指其實名 中風論 端所能盡總宜潛心體認審其真實然後不 端之見用藥愈真而愈誤矣

欠足四事全書 一

醫學源流論

熱之品將風火痰氣盡行補住 治風為本故仲景侯氏黑散風引湯防巴地黄湯及唐 驅其風繼清疾火而後調其氣血則經脉可以漸通今 經絡則內風與外風相煽以致疾火一時壅塞惟宜先 人大小續命等方皆多用風藥而因症增减益以風入 廢之人此非醫者誤之耶或云 犯之所處其氣必虚 有元氣未傷而感邪淺者亦必遷延時日以成偏枯永 見中風等症即用人参熟地附子肉桂等純補温 輕者變重重者即死或

大巴马西上山山 到 而先固其墙垣者或云補藥托邪猶之增家人以禦盜 賊入室定當先驅盜賊而後固其墻垣未有盜賊未去 補 扶正之品以助驅邪之力從未有純用温補者譬之盜 驅其邪以衛其正若更補其邪氣則正氣益不能支矣 非若家人之專於禦盜賊也是不但不驅盜并助盜矣 也是又不然益服純補之藥斷無專補正不補邪之理 正即所以驅邪此大謬也惟其正虚而邪凑尤當急 使正氣全虚不能托那於外亦宜於驅風樂中少加 醫學源法論 之

悉者甚多惟服熱補者無一存者矣 於治風方中隨所現之症加減之漢唐諸法具在可取 實邪治之哉其中或有屬陰虚陽虚感濕感寒之别則 疑天下未有行動如常忽然大虚而昏仆者豈可不以 也所謂實者謂邪實也中風乃急暴之症其為實邪無 况治病之法 凡久病屬虚縣病屬實所謂虚者謂正虚 者余友人患此症者遵余治法病一二十年而今尚無 而觀也故凡中風之類苟無中藏之絕症未有不可治

當先下其結聚然後補養其中氣則腸胃漸能尅化矣 欠三9 Int Al Min 惟藏氣已絕臂細臍凸手心及背平滿青筋繞腹種種 内經有雞矢體方即治法也後世治臌之方亦多見效 化或痰或血或氣或食凝結於中以致膨脖脹滿治之 虚者不可治此其常也殿之為病因腸胃哀弱不能運 物積中其症屬實膈者不能納物其症屬虚實者可治 膈同為極大之病然嚴可治而膈不可治益嚴者有 臌膈論 醫學源流論

伽 金 小 氣今食既不入則五臟六腑皆竭矣所以得此症者能 惡症齊現則不治若膈症乃肝火犯胃木來侮土謂 凡春得病者死於秋秋得病者死于春益金木相 納穀則 在 閉塞飲食不能下達即 邪胃脫枯槁不復用事惟留一線細竅又為痰延瘀 也又有卒然嘔吐或嘔吐而時止時發又或年當 U 飲食經云穀入於胃以傳於肺五藏六腑皆以受 厚白電 不出一年而死全不納穀則 勉 强納食仍復吐出益 不出半 年 起之 一人生 而 之

熱者熱在外而寒在內也雖大熱而惡寒飲此其大較 水腫之類或宜針灸或宜洩滴病象各殊治亦萬變醫 也假實者形實而神哀其脈浮洪礼散也假虚者形哀 無誤假寒者寒在外而熱在內也雖大寒而惡熱飲假 病之大端不外乎寒熱虚實然必辨其真假而後治之 者亦宜廣求諸法而隨宜施用也 肚是名反胃非膈也此亦可治至於類臌之症如浮腫 ここりえ 寒熱虚實真假論) · L.(人) 醫學源流論 L

一致定四库全書 或宜分治或宜合治或宜從本或宜從標寒因熱用熱 實如怯弱之人而傷寒傷食此人虚而症實也强壯之 已見或學力不至其不為病所惑者幾希矣 之心亦不能窮我之衔是在博求古法而神明之稍執 而神全其脈靜小堅實也其中又有人之虚實症之虚 因寒用上下異方煎丸異法補中無攻攻中兼補精思 人而失血勞倦此人實而症虚也或宜正治或宜從治 術隨變生機病勢干端立法萬變則真假不能感我

情所病謂之内傷六淫所侵謂之外感自內經難經 内傷外感論

形 因與病又互相出入參錯雜亂治法逈殊益内傷由於 感全平内傷者更有内傷無外感外感無内傷 同而病因異者亦有病因同而病形異者又有全乎 及唐宋諸書無不言之深切若明矣二者之病有病 者 則

次定四車全書

P.

醫學原流論

或

有誤為害非輕能熟于內經及仲景諸書細心體

志外感起於經絡輕重淺深先後緩急或分或合

更無 Jt. 則 病 有不效否則傍徨疑慮雜藥亂投全無法紀屢試不驗 雖其病萬殊其中條理井然毫無疑似出入變化無 陽傳陽明及金匱見肝之病如肝傳脾之類又如痞 死者醫殺之耳 有一定之傳變有無定之傳變一定之傳變如傷寒 變臌血虚變浮腫之類醫者可豫知而防之也無定 把握不咎已之審病不明反咎樂之治病不應如 病情傳變論

Ĕ

ノニアド

時行之氣或調理失宜更生他病則無病不可變醫者 之傳變或其人本體先有受傷之處或天時不和又感 成寒中之病或過服温燥而成熱中之病或過于攻伐 否則病後增病則正虚而感益重輕病亦變危矣至于 欠日の事を動 又不雜不亂則諸病亦可漸次平復否則新病日增無 既傳之後則標本緩急先後分合用藥必兩處兼顧而 不能豫知而為防者也總之人有一病皆當加意謹慎 底止矣至於藥誤之傳變又復多端或過於寒凉而 醫學源流論

處 害人最深者大病之後那未全退又不察病氣所傷何 而元氣大虚或過于滋潤而脾氣不實不可勝舉近日 銀牙正厚白書 家猶以為病後大虚所致而不知乃邪氣固結而然也 捫 余見甚多不可不深戒 如 中風之狀邪氣與元氣相併諸樂無效而死醫家病 邪 BP 火盡行補潘始若相安久之氣逆痰升脹滿昏沉 用附子肉桂熟地麥冬人参白米五味萸肉之類 病同人異論

害亦相反矣故醫者必細審其人之種種不同而後輕 樂之别更加天時有寒暖之不同受病有深淺之各異 逐年力有老少奉養有膏粱藜藿之殊心境有憂勞和 淫之感不殊而受感之人各殊或氣體有强弱質性有 陰陽生長有南北性情有剛柔筋骨有堅脆肢體有勞 效而反有大害者何也則以病同而人異也夫七情六 概施治則病情雖中而於人之氣體迫乎相反則利

天下有同此一病而治此則效治被則不效且不惟無

大王马里·自由

醫學源流論

Ī

重緩急大小先後之法因之而定內經言之極詳 銀戶口屋有書 寒熱嘔吐畏風口苦是症也合之而成為症此乃症 寐 病 凡病之總者謂之病而一病必有數症如太陽傷風是 灸及外科之治法盡然故凡治病者皆當如是審察也 病 也其惡風身熱自汗頭痛是症也合之而成其為太 心煩痞悶則又為太陽病之無症矣如瘧病也往來 比乃 病 症 不同論 太陽病之本症也若太陽病而又無泄鴻 卷上 即針 不

治或當分治或當先治或當後治或當專治或當不治 啻干萬不可不求其端而分其緒也而治之法或當合 之無病益瘧為一 兼症矣若瘧而又下痢數十行則又不得謂之無症謂 無紀則病變百出雖良工不能挽回矣 先在視其輕重緩急而次第奏功一或倒行逆施雜**亂** 各有無症不可勝舉以此類推則病之與症其分併何 本症也若瘧而無頭痛脹滿墩逆便閉則又為瘧疾之 てここう 三 /1 LI | 一病痢又為一病而二病又各有本症 醫學源流論

銀定四库全書 怯 也有風有寒有痰有食有陰虚 人之所苦謂之病所以致此病者謂之因如同 病 同 因别論 卷! 得專以寒凉治熱病矣 火升 有鬱怒憂思勞 身

葢 同 熱同 **巫**症此 而 治各别者盡然則 而 所 謂之因知其因則不 以致熱者 不同則藥亦迫異凡病之 病 而 治法 多端矣而病 因 又 不 非

止

症

必有無症馬如身熱而

腹

痛

則腹又為

症

小

痛之因又復

不同有與身熱相合者有與身熱各别

则 而 何食則以何樂消之其立方之法必切中二者之病源 熱為寒其腹痛又為傷食則各别者也又必審其食為 者如感寒而身熱其腹亦因寒而痛此相合者也如身 因及無病之何因而徒曰某病以某方治之其偶中者 次ピの事と書 知 後定方則一藥而兩病俱安矣若不問其本病之 之則倖中者甚少而誤治者甚多終身治病而終 投之或愈再以治他人則不但不愈而反增病必自 曰何以治彼效而治此不效并前此之何以愈亦不 醫學源流論. 何

金岁口尽 雷之火隨水而上若以寒涼折之其火愈熾惟用大 ين، 經云奪血者無汗奪汗者無血血屬 也故止汗之法必用凉心斂肺之藥何也心主血汗 肺 悟歷症愈多而愈感矣 之液故當清心火汗 氣此正治也惟汗出太甚則陰氣上竭而腎中 陰亡陽論 以酸降之品如童便壮願之 卷上 必從皮毛出肺主皮毛故又當 類冷飲 陰是汗多乃亡陰 劑 為 龍

氣 此與亡陰之汗真大相懸絕故亡陰亡陽其治法截然 之汗身畏熱手足温肌熱汗亦熱而味酸口渴喜凉飲 其界限則用樂無誤矣其亡陰亡陽之辨法何如亡陰 而 下焦引其真陽下降則龍雷之火反乎其位而汗隨止 既動也以陽藥止汗而龍骨壮礪黃芪五味收溢之 轉機在項刻當陽氣之未動也以陰樂止汗及陽氣 粗脈洪實此其驗也亡陽之汗身反惡寒手足冷 則兩方皆可隨宜用之醫者能於亡陰亡陽之交分

欠已四年上十

W

醫學源流論

主

二者之列此理知者絕少即此汗之一端而聚訟紛紛 皆有 空此其驗也至于尋常之正汗熱汗邪汗自汗又不在 凉汗冷而味淡微粘口不渴而喜熱飲氣微脈浮數 金分口屋 毫無定見誤治甚多也 非皆死症也庸醫治之非必皆與病相反也外感內傷 能愈病之 現症約署治之自能向愈况病情輕者雖不服藥 病 有不愈不死雖愈必死論 非難知病之必愈必不愈為難夫人之得病 卷上 而

粗安真氣不可復續如兩虎相角其 甚重而能斷其必生乃為難耳更有病已愈而不久必 其死此猶為易知者惟病象甚輕而能决其必死病勢 能向安故愈病非醫者之能事也惟不論輕重之疾 死者益邪氣雖去而其人之元氣與病俱亡一時雖若 非淺當者所能知也夫病 亦能漸痊即病勢危迫醫者尚無大誤邪氣漸退亦自 即能决其死生難易百無一失此則學問之極功而 輕而 預知其愈病重而預 雖 勝 而力已脱 知

吹定四事全書 ~

醫學源流論

益 虚 其病之始形必有可微之端良工知之自 炳 又不至于傷生此二者皆人之所不 病 既 雖良工亦不能救也又有病必不愈而人亦不死 與人俱存者為多此乃內外 JE, 邪氣盛而元氣堅固 氣 小攻則病 入藏府者病與人俱盡者為多病在經絡骨脈 '與病俱亡亦不使之終身不愈此非深通 不為動 邪氣與元氣相併大攻則恐傷 如油入麪一合則 輕重之别也斯二者方 知者也其大端則 不 有防微之法 可復分而 者

義之人必不能窮源極流挽回于人所不見之地也 卒死論

不可救者僅十之二三惟一時不得良醫故皆枉死耳 天下卒死之人甚多其故不一內中可救者十之七八

絡本無受病之處卒然感犯外邪如惡風穢氣鬼邪毒 厲等物閉塞氣道一時不能轉動則大氣阻絕昏悶迷 夫人内外無病飲食行動如常而忽然死者其藏府經

次已马事全書 一 感久而不通則氣愈聚愈塞如緊絕于頸氣絕則死矣 醫學源流論

終過度或惱怒不常五藏之內精竭 若醫者能知其所犯何故以法治之通其氣驅其邪則 頃 则 立愈矣又有痰涎壅盛阻遏氣道而卒死者通氣降痰 金贝口尼 可治者也至於暴遇神思適逢冤譴此又怪異之事 絕之症則不治其人或勞心 刻而死既不可救又不及救此則卒死之最急而 甦所 請疾厥之類是也以前諸項良醫皆能治之惟 行動如常偶有感觸其元氣一時斷絕氣脱神離 思慮或酒食不節或房 神哀惟一線真元

神二者皆非也夫鬼神猶風寒暑濕之邪耳衛氣虚則 虧則侮之者斯集凡疾病有為鬼神所憑者其愚魯者 夫人精神完固則外那不敢犯惟其所以禦之之具有 受寒營氣虚則受熱神氣虚則受思益人之神屬陽陽 人之受邪也必有受之之處有以名之則應者斯至矣 KELDIST ALTO IN 在疾病之類矣 為鬼神實能禍人其明理者以為病情如此必無鬼 病 有思神論 醫學源流論 Ŧ

哀則思憑之內經有五藏之病則現五色之思難經云 思者充其神而已其或有因痰因思因態者則當求其 賴神氣以充塞之若神氣有虧則思神得而憑之 脱陽者見思故經穴中有思床思室等穴此諸穴者皆 有據否則執一端之見而昧事理之實均屬情慣矣其 風寒之能傷人也故治寒者壯其陽治熱者養其陰治 更有觸犯思神之病則祈禱可愈至於冤禮之思則 而治之故明理之士必事事窮其故乃能無所感而 猶之

發熱者謂之陰症病者遇此亦自謂之陰症不問其現 今之醫者以其人房勞之後或遺精之後感冒風寒而 非樂石祈禱所能免矣 經史如公子彭生伯有之類甚多目都者亦不少此則 過誤害人者其事皆鑿鑿可徵似儒者所不道然見于 症 ここうう ハララ 有數端有自作之孽深仇不可解者有祖宗貽累者有 何如總用參术附桂乾姜地黃等温熱暖補之藥此 腎虚非陰症論 醫學源流論 秃

其熱必甚無以燥悶煩渴尤宜清熱散邪豈可反用 中矣况陰虚之人而感風寒亦必由太陽入仍屬陽邪 豈有用辛熱温補之法耶若用温 風寒 後感風豈風寒必中腎經即使中之亦不過散少陰之 舒好四库全書 冷喜熱等症方可用温散然亦終無用滋補之法即 樂若果直中三陰則斷無壯熱之理必有惡寒倦 可稱絕倒者也夫所謂陰症者寒邪中於三陰經也房 如傷寒論中少陰發熱仍用麻黄細辛發表而 趃! 補則補其風寒于腎 卧

L.

欽定四庫全書 一 勞過度亦從陽治如傷寒論中陽明大熱之證宜用葛 發熱煩渴並無三陰之症即使其人本體虚弱又復房 **六脈沉遲表裏皆畏寒的係三陰之寒證即使其本領** 之用竹皮一 傷寒差後房事不慎又發寒熱謂之女勞復此乃久虚 人復患大症依今人之見九宜峻補者也而古人 肚又絕然十年亦從陰治若使所現脈證的係陽邪 熱補矣故凡治病之法總視目前之現證現脈 升煎湯服然則無病而房後感風更不宜 醫學源流論 丰 如果

其吐血之時狼狽頗甚吐止即痊皆不成勞何也其吐 今之醫者謂吐血為虚勞之病此大謬也夫吐血有數 先生能知此義有寓意草中黃長人之傷寒案可見餘 症轉陽症亦即用凉散此一定之法也近世雅喻嘉言 根白虎等方者瞬息之間轉入三陰即改用温補若陰 人皆不知之其殺人可勝道哉 大概咳者成勞不咳者不成勞問有吐時偶咳者當 吐血不死咳嗽必死論

誊濁者為衛是則藏府皆取精于肺肺病則不能輸精 云穀氣入胃以傳于肺五臟六府皆以受氣其清者為 為腎之母母病則子亦病故也又肺為五藏之華益經 則血止而病仍在日敗夜嗽痰壅氣升多則三年少則 之後或陰虚内熱或筋骨疼痛皆可服藥而產若咳嗽 于藏府一年而藏府皆枯三年而藏府竭矣故咳嗽為 一年而死矣益咳嗽不止則腎中之元氣震蕩不寧肺 止則週身無病飲食如故而精神生矣即使亡血

次足四華全書 一

醫學源流論

婦科之最重者二端堕胎與難産耳世之治墮胎者往 者也更有不咳之人血症屡發肝竭肺傷亦變咳嗽 稍緩其飲食起居不甚變又其人善于調攝延至三年 而 真勞不治之疾也然亦有咳嗽而不死者其嗽亦有時 金厂口)後起居 亦 生百不一 胎產論 死此則不善調攝以輕變重也執此以 Æ 11 如舊問或一發靜養即愈此乃百中難得 一失矣 決血症之

血之生必由于脾胃經云管衛之道納穀為實故又以 盛陽旺而陰齡也故古人養胎之方專以黄芩為主又 因衛任之血皆為胎所吸無餘血下行也尚血或不足 則 十之八九益胎惟賴血以養故得胎之後經事不行者 半産之故非 白术佐之乃世之人專以參民補氣熟地滞胃氣旺則 胎枯竭而下墮矣其血所以不足之故皆由内熱火 純用滋補治難產者往往專於攻下二者皆非也益 一端由于虚滑者十之一二由于内熱者

改至四年全書 一

醫學源流論

圭

亦有不 種諸症各有專方其外或宜潤或宜降或宜温或宜涼 世之遭厄難者乃人事之未工也其法在乎産婦不可 舒轉于是横生倒產之害生又用力則 胞聚縣下胎已 令早用力益胎必轉而後下早用力則胎先下墜斷難 火盛胃濕則不運生化之源哀而血益少矣至于產育 軍乃天地化育之常本無危險之理險者干不得 滥 何由能產此病不但産子之家不知即收生穩婦 知者至于用藥之法則交骨不開胎元不轉種

ί

卷上

天下之病竟有不宜服藥者如黄疸之類是也黃疸之 重衝脉斷裂氣冒血崩死在項刻尤忌舉手上頭如是 不可不知也 死者吾見極多不知者以為竒異實理之常生産之家 退也至于易産强健之産婦最多卒死益大脱血之後 亦當隨症施治其大端以養血為主益血足則諸症自 任空虛經豚嬌脆健婦不以為意輕舉妄動用力稍 病有不必服藥論

欠日の自己

醫學源流論

圭

藥亦不能愈外此如吐血久痞等疾得藥之益者甚少 受藥誤者甚多如無至穩必效之方不過以身試藥則 方傳授非泛然煎丸之所能治也痰飲之病亦有囊常 也益疸之重者其脇中有囊以裹黄水其囊並無出路 症仲景原有煎方然輕者用之俱效而重者俱不效何 金月口匠 有害若輕病則囊尚未成服藥有效至囊成之後則百 祇在囊外不入囊中所服之藥非補邪即傷正故反 放必須用輕透之方或破其囊或消其水另有秘 13 mm 卷上

能使藥各全其性亦能使藥各失其性操縱之法有 效聖人為之製方以調劑之或用以專攻或用以無治 寧以不服樂為中醫矣 有功能可以變易血氣以除疾病此藥之力也然草木 方之與藥似合而實離也得天地之氣成一物之性各 性與人殊體入人腸胃何以能如人之所欲以致其 相輔者或相反者或相用者或相制者故方之既成 方樂離合論 醫學源流於

次包里全書 一

有 法謂之有樂無方或守一方以治病方雖良善而其樂 者皆不得謂之能書故善醫者分觀之而無樂弗 權馬此方之妙也若夫按病用樂藥雖切中而立方無 則亦同于殺人而已矣至于方之大小奇偶之法則內 病情合觀之而無方不本于古法然後用而弗效則病)故也非醫之罪也而不然者即偶或取效隱害必多 用筆已工而配合顛倒與夫字形俱偽而點畫不成 一二味與病不相關者謂之有方無藥譬之作書之 卷上

製一方是曷有盡期乎故古人即有加減之法其病大 此漢以前之方也但生民之疾病不可勝窮若必每病 别經絡然考察性斟酌輕重其於所治之病不與毫髮 次年四年全等 一 端相同而所現之症或不同則不必更立一方即於是 古人製方之義微妙精詳不可思議益其審察病情辨 經詳言之兹不復贅云 不必有奇品異術而沈痼與險之疾投之報有神效 古方加減論 醫學所流論

陽病 然 者 者 方之內因其現在之異而為之加減如傷寒論中治 金罗巴尼 樂岩桂枝湯倍用芍藥而加飴糖則又不名桂枝加 豚 白芍湯更惡寒者去白芍加附子湯此猶以藥為加減 者 也若桂枝麻黄各半湯則以兩方為加減矣若發奔 则 一二味加減雖不易本方之名而必名著其加 用桂枝為加桂枝湯則又以樂之輕重為加減 用桂枝湯若見項背强者則用桂枝加萬根湯喘 用桂枝加厚朴杏子湯下後麻促胸滿者桂枝去 1:11 矣

柴胡湯不知小柴胡之力全在人参也用猪苓澤鴻即 法之嚴如此後之醫者不識此義而又欲托名用古取 果識其病而用古方支離零亂宣有效乎遂相戒以為 於病或則歸咎於藥以為古方不可治今病嗟乎即使 他樂而仍以某方目之用而不效不知自咎或則歸咎 欽定四庫全書 ! 日五苓散不知五苓之妙專在桂枝也去其要藥雜以 古方中一二味則即以某方目之如用柴胡則即曰小 糖汤而為建中湯其藥雖同而義已别則立名亦異古 醫學源流論 丟

者聖人之製方也推藥理之本原識藥性之專能察氣 將古方所用之樂而去取損益之必使無一樂之不對 之有别症則據古法加減之如不盡合則依古方之法 後世之方已不知幾億萬矣此皆不足以名方者也昔 有害也然則當何如曰能識病情與古方合者則全用 古方難用不知全失古方之精義故與病毫無益而反 症自然不倍於古人之法而所投必有神效矣 方劑古今論

钦定四車全書 一 華伦孫思邀諸人各有師承而淵源又與仲景微别然 味之從逆審臟腑之好惡合君臣之配耦而又探索病 謂古方與內經並垂不朽者其前後名家如倉公扁鵲 干聖之大成以承先而啓後萬世不能出其範圍此之 用法該為問難註明主治之症其傷寒論金匱要器集 不窮聖人之智真與天地同體非人之心思所能及也 源推求經絡其思遠其義精味不過三四而其用變化 上古至今干聖相傳無敢失墜至張仲景先生復申明 醫學源流論

蹈襲元人緒餘而已今之醫者動云古方不知古方之 實膚淺元時號稱極盛各立門庭徒騁私見迨乎有明 猶自成一家但不能與靈素本草一線相傳為宗枝正 合法而荒謬者甚多豈可奉為典章若謂自明人以前 脉耳既而積習相仍每著一書必自撰方干百唐時諸 無幾也如謂宋元所製之方則其可法可傳者絕少不 稱其指不一若謂上古之方則自仲景先生流傳以外 公用藥雖博已乏化機至于宋人并不知藥其方亦板

皆稱古方則其方不下數百萬夫常用之藥不過數百 改定四軍全書一 方反足貽害安得有學之士為之擇而存之集其大成 者然其大經大法則萬不能及其中更有違經背法之 品而為方數百萬隨指幾味皆已成方何必定云某方 也嗟嗟古之方何其嚴今之方何其易其間亦有奇巧 刑其無當實干古之盛舉余益有志而未遑矣 法用藥之妙未必不能補古人之所未及可備祭考 單方論 醫學源流論

之别深淺之分及夫人性各殊天時各異此非守經達 矣若夫內外之感其中自有傳變之道虚實之殊久暫 於本草葢古之聖人辨藥物之性則必著其功用如逐 用而不中亦能害人即世所謂海上方者是也其原起 單方者藥不過一二味治不過一二症而其効則甚捷 數藥而成方至後世藥品日增單方日多有效有不效 風逐寒解毒定痛之類凡人所患之症止一二端則以 一樂治之樂專則力厚自有奇效若病兼數症則必合

天地有好生之德聖人有大公之心立方以治病使天 之法是亦不可不知者也 以為贵也然容考以廣識見且為急救之備或為專政 不醇有利必有害故醫者不可以此嘗試此經方之所 權者不能治若皆以單方治之則藥性專而無製偏而 何也其故有二一則懼天下之輕視夫道也夫經方之 下共知之豈非天地聖人之至頗哉然而方之有禁則 禁方論

次定四草全書 一

醫學源流論

則藥無驗若輕以示人則氣洩而用不神此又陰陽之 發天地之機也禁方之樂其製法必奇其配合必巧竊 思神其遇之也甚難則爱護之必至若輕以授人必生 金グログ 陰陽之柄窺造化之機其修合必虔誠敬慎少犯禁忌 所不解機有所莫測其傳也往往出於奇人隱士仙佛 用之而反害變化無定此大公之法也若禁方者義有 治病視其人學問之高下以為效驗故或用之而愈或 輕易之心所以方家往往爱惜此乃人之情也一 則恐

欽定四庫全書 今之論古方者皆以古方分兩太重為疑以為古人 載入醫書中與經方並垂有識者自能擇之也 江河惡習聖人之所必該也又有古之禁方傳之已廣 衆更有修煉熱藥長然道沒名為養生實速其死此乃 古聖皆然若夫詭詐之人專欲圖利托名禁方欺世惑 敢血之 盟也故黄帝有蘭臺之藏長桑君有無泄之戒 理也靈樞禁服篇黃帝謂雷公曰此先師之所禁割臂 古今方劑大小論 墨學源流論

過 錢三分零他方問有藥品多而加重者亦不過倍之而 醴 已令人用藥必數品各一二錢或三四錢則反用三兩 也古時升斗權衛歷代各有異同而三代至漢較之今 大劑也桂枝三两芍藥三两甘草二两共八两二八 外矣更有無知妄人用四五兩作 厚故用藥宜重不知此乃不考古而為此無稽之談 一十之二 兩六錢為一 量客个之一升二合 女桂枝湯乃傷寒余親見漢時有六升銅四桂枝湯乃傷寒 劑分作三服則 南近人更有用 服藥不過今之五 不

欧定四車全書一 無名師傅授無怪乎每舉必成笑談也 未嘗重於今日個 不過今之六七分令亦服三四錢矣古人之用藥分兩 九樂則用三四錢至七八錢不等矣末樂只用方寸七 丸每服如桐子大二十九令不過四五分若令人之服 而荒唐若此况其深微者乎益既不能深思考古又 两為 劑者尤屬不倫用九散亦然如古方鳥 注六斗四升口鬴四鬴共二石五斗禮遣人凡萬民之食食者人四鬴上 食則而認說相傳方劑日重即此 醫學原流論 早二

各有數症各有定名各有主方凡病盡然醫者必能實 腫總名也其類有皮水正水石水風水之殊而諸症 之名亦不能知宜其胸中毫無所主也凡一病有一病 古人治法無一方不對病無 而諸症之中又各有數症各有定名各有主方又如水 不愈此乃病本不可愈非醫之咎也後世醫失其傳病 名如中風總名也其類有偏枯痿痺風痱歷節之 樂誤不即死論 ı 藥不對症如是而病猶

指其何名遵古人所主何方加減何樂自有法度可 乃不論何病總以陰虚陽虚等籠統之談概之而試以

大熱大寒峻厲之品又適與病相反服後立見其危若 殺人之名者何也益殺人之樂必大毒如砒熄之類或 或偶有一二對症之藥亦奏小效皆屬誤治其得免於 籠統不切之藥然亦竟有愈者或其病本輕適欲自愈

尋常之品不過不能愈病或反增他病耳不即死也久

而病氣自退正氣自復無不愈者問有遷延日久或隱

次定四車全書 一

醫學源法論

呈

效 投峻属相反之藥服後顯然為害此其殺人人人能 其 誤治之實病家以為病久不痊自然不起非醫之咎因 之矣惟誤服參附峻補之藥而即死者則病家之所 元氣竭亦死又有初因誤治變成他病輾轉而死又有 不即死而不之罪其實則真殺之而不覺也若夫誤 則以為可愈小別又以為難治並無誤治之形確有 服有小效久服太過反增他病而死益 Ð Ę 診視 知 1.

受其害而死更或屢換庸醫偏試諸樂久而病氣益深

欠包甲至書 一 此長在彼方則取其彼長真知其功效之實自能曲中 用之亦效何也益樂之功用不止一端在此方則取其 以治某病此顯而易見者然一樂不止一方用之他方 而易其術也 心必不歸咎於醫故醫者雖自知其誤必不以此為戒 病情而得其力迨至後世一藥所治之病愈多而亦效 藥有一藥之性情功效其藥能治果病古方中用之 藥石性全用異論 醫學源流論 물

其所生之方或取嗜好之偏其藥似與病情之寒熱 之性也或取其氣或取其味或取其色或取其形或取 害立至益古人用藥之法並不專取其寒熱温涼補 者益古人尚未盡知之後人屢試而後知所以歷代本 寒樂而石膏之寒與黃連之寒逈乎不同一或誤用 草所註藥性較之神農本經所注功用增益數倍益以 同 也但其中有當有不當不若神農本草字字精切耳 熱藥而附子之熱與乾姜之熱與乎不同 とうい 同

使之一時即出必漸消漸托而後盡馬今欲一日見効 次記四車全書 一 世有好醫利人之財取効于一時不顧人之生死者謂 參以仲景諸方則聖人之精理自能洞晓而已之立方 亦必有奇思妙想深入病機而天下無難治之症矣 凉補鴻若不相關而投之反有神效古方中如此者不 可枚舉學者必將神農本草字字求其精義之所在而 胡劑胡劑者以重藥奪截邪氣也夫邪之中人不能 刼劑論 醫學源流論 器

大劑參附一時陽氣大旺病氣必潛藏自然神氣客定 腹痛甚不求其因而以香燥飲之鴻痢甚不去其積而 樂猛厲則邪氣暫伏而正亦傷藥峻補則正氣驟發而 勢必用猛厲之藥與邪相爭或用峻補之藥遏抑邪氣 以收飲之藥塞之之類比峻厲之法也若邪盛而投 大壞矣如病者身熱甚不散其熱而以沉寒之藥過之 内陷一時似乎有效及至藥力盡而邪復來元氣已 一二日元氣與邪氣相併反助邪而肆其毒為禍人 Ŀ

烈此峻補之法也此等害人之術好醫以此欺人而騙 氣厚力大者無有不偏偏則有利必有害欲取其利而 無理者固不可從若其微妙之處實有精義存馬凡物 製藥之法古方甚少而氣詳于宋之雷數今世所傳雷 醫者可不自省病家亦不可不察也 财者十之五庸醫不知而效尤以害人者亦十之五為 公炮炙論是也後世製藥之法日多一日內中亦有至 製藥論

たこの目とから

醫學源流論

製其形或製其性或製其味或製其質此皆巧于用藥 後世好奇眩異之人必求貴重怪僻之物其製法大费 湯中用白芍亦即有相製之理故不必每藥製之也若 之法也古方製藥無多其立方之法配合氣性如桂枝 製或以相畏為製或以相喜為製而製法又復不同或 又各不同或以相反為製或以相資為製或以相惡為 去其害則用法以製之則藥性之偏者醇矣其製之義 工本以神其說此乃好奇尚異之人造作以欺部富貴

結皆能補塞故病人如果邪去正哀用之固宜或邪微 能生之也其為物氣盛而力厚不論風寒暑濕痰火鬱 當實能補養元氣拯救危險然不可謂天下之死人皆 天下之害人者殺其身未必破其家破其家未必殺其 而正亦應或邪深而正氣怯弱不能逐之於外則於除 身先破人之家而後殺其身者人參也夫人參用之而 人之法不足死也惟平和而有理者為可從耳 人參論

欽定四庫全書

整學源流論

實又佐以純補温熱之品將邪氣盡行補住輕者邪氣 而 家服之死而無悔者何也益愚人之心皆以價貴為良 之自然有扶危定傾之功乃不察其有邪無邪是虚是 已竭而人子之心已盡此命數使然可以無恨矣若服 水不復出重者即死矣夫醫者之所以遇疾即用而病 邪樂中投之以為驅 邪之助然 又必審其輕重而後用 死即使明知其誤然以為服人參而死則醫者之力 價縣為劣藥而常人之情無不好補而惡攻故服參

之有那者死者即死其不死者亦終身不得愈乎其破 以為必能挽回造化故毅然用之熟知人參一用凡病 今則其價十倍其所服又非一錢二錢而止小康之家 家之故何也益向日之人參不過一二換多者三四換 病家如此醫家如此而害人無窮矣更有駭者或以用 已不可勝誅矣故人參者乃醫家邀功避罪之聖藥也 人參為冠冕或以用人參為有力量又因其貴重深信

攻削之藥而死即使用藥不惧病實難治而醫者之罪

次定四事全書一

醫學源流論

并有親戚朋友責罰痛罵即使明知無益姑以此塞責 遵在父為不慈在子為不孝在夫婦昆弟為恐心害理 得寧恤破家子醫者全不一念輕將人參立方用而不 子全家覆取醫者誤治殺人可恕而逞已之意日日害 病或稍愈一家終身凍餒若仍不救棺發俱無賣妻驚 服二三两而家已蕩然矣夫人情于死生之際何求不 金りで月 又有孝子慈父倖其或生竭力以謀之遂使貧宴之家 人破家其惡甚于盜賊可不慎哉吾願天下之人斷不

次定四事 在書 之地恐天之降禍亦在人不知之地也可不慎哉 業尚可以支持不至用參之後死生無靠然後節省用 聖人之所以全民生也五穀為養五果為助五畜為益 心自然天降之福若如近日之醫殺命破家于人不知 實係純虚非然不治服必萬全然後用之又必量其家 可以人参為起死回生之藥而必服之醫者必審其病 以惜物力一以全人之命一以保人之家如此存 用藥如用兵論 醫學源流論 罕

害皆毒藥之類也古人好服食者必生奇疾猶之好戰 喪身殞命之憂是故傳經之形而先奪其未至則所 性攻藏府之偏勝必能知彼知已多方以制之而後無 勝者必有奇殃是故兵之設也以除暴不得已而後 五菜為充而毒藥則以之攻邪故雖甘草人參誤用致 金りし 斷敢之要道也横暴之疾而急保其未病則所以守我 為患也小則耗精大則傷命隱然一敵國也以草木偏 藥之設也以攻疾亦不得已而後用其道同也故病之 15 興

堅使離散無所統而衆悉潰病方進則不治其太甚固 守元氣所以老其師病方哀則必窮其所之更益精鋭 前後不相救而勢自哀數病而合治之則併力搖其中 此之謂行問之術一病而分治之則用寡可以勝衆使 無泛用之藥此之謂向導之師因寒熱而有反用之方 合舊疾而發者必防其併則敵之内應既絕辨經絡而)嚴疆也挾宿食而病者先除其食則敵之資粮已焚 以搖其穴若夫虚邪之體攻不可過本和平之藥而

大いとのもとはる

醫學源流論

晃

以峻樂補之哀敝之日不可窮民力也實邪之傷攻不 金岁口万 少有出入則有加減之法附于方後可知方中之藥必 又不可更僕數也孫武子十三篇治病之法盡之矣 武也然而選材必當器械必良剋期不您布陣有方此 與所現之症纖悉皆合無一味虛設乃用此方毫無通 可緩用峻厲之藥而以常藥和之富強之國可以振威 用藥立方先陳列病症然後云某方主之若其症 執方治病論 11.11

無 中盡屬相反之藥矣總之欲用古方必先審病者所患 皆不對症矣并有病名雖一病形相反亦用此方則其 或竟不同可知一病并不止一方所能治令乃病名稍 一融也又有一病而云 某方亦主之者其方或稍有異同 之症悉與古方前所陳列之症皆合更檢方中所用之 似而其中之現在全然不同乃亦以此方施治則其藥 可加減則另擇一方斷不可道聽塗說聞某方可以 不與所現之症相合然後施用否則必須加減

欧定四車全書

醫學源流論

内 而氣四達未嘗不能行於臟腑經絡若邪在筋骨肌肉 治某病不論其因之異同症之出入而冒昧施治雖所 用悉本于古方而害益大矣 經治病之法鍼炎為本而佐之以砭石熨浴導引按 酒體等法病各有宜缺一不可益服藥之功入腸胃 湯藥不足盡病論 即從病之所在調其血氣逐其風寒為實而可據 則病屬有形藥之氣味不能奏功也故 必用 針灸

次定四年全書 一 形故天下無難治之症而所投軟有神效扁鵲倉公所 以待一 其效更速其餘諸病有宜九宜散宜膏者必醫者豫備 其行速其質輕其力易過而不留惟病在榮衛腸胃者 調 謂禁方者是也若今之醫者祇以一煎方為治惟病後 也况即以服藥論止用湯劑亦不能盡病益湯者強也 而與病不相入則終難取效故扁龍云人之所患患病 理則用滋補丸散盡廢聖人之良法即使用樂不誤 時急用視其病之所在而委曲施治則病無遁 醫學源流論

此痼疾之所以日多也 多醫之所患患道少近日病變愈多而醫家之道愈少 精確非若後人推測而知之者故對症施治其應若響 金りせん 人與天地為一體實能探造化之精窮萬物之理字字 本草之始仿于神農藥止三百六十品此乃開天之聖 不治矣追其後藥味日多至陷好景倍之而為七 景諸方之藥悉本此書藥品不多而神明變化已無 本草古今論

一醫家皆取而用之代有成書至明李時珍增益唐慎微 家之說而本草更大備此樂味由少而多之故也至其 證類本草為綱目考其異同辨其真偽原其生産集諸 二十品後世日增一日凡華夷之奇草逸品試而有效 無不效而必景所增已不甚效若後世所增之樂則尤 功用則亦後人試驗而知之故其所治之病益廣然皆 欠正の巨心島 有不足憑者至其詮釋大半皆視古方用此樂醫某病 不若神農本草之紅正真確故宋人有云用神農之品 醫學源流論 至

此藥為專治此病者有之更有以已意推測而知者又 則增注之或古方治某病其藥不止一品而誤以方中 方外治之法用之又有後世所增之奇藥或出于深山 為本而他說則必審擇而從之更必點之于病而後信 其詳在治病不必分經絡藏府篇故論本草必以神農 或偶愈一病實非此藥之功而强者其效者種種難信 又必考古人方中所曾用者乃可採取餘則止可于單 至張潔古李東垣輩以基藥專派入某經則更穿鑿矣 4

能治古方所不能治之奇病博物君子亦宜識之以廣 者今依方施用竟有應有不應其故何哉益有數端馬 往有奇效此乃偏方異氣之所鍾造物之機久而愈複 窮谷或出于殊方異域前世所未當有者後人用之往! 見聞此又在本草之外者矣 というしている 古方所用之樂當時效驗顯著而本草載其功用鑿鑿 則地氣之殊也當時初用之始必有所產之地此乃 樂性變遷論 醫學原流論 至

未必皆種之至貴者物雖非偽而種則殊矣一則天生 其本生之土故氣厚而力全以後傳種他方則地氣移 故得氣獨厚今皆人功種植既非山谷之真氣又加灌 紙之功則性平淡而薄劣矣一則名實之訛也當時樂 不市賣皆醫者自取而備之追其後有不常用之品後 與人力之異也當時所採皆生于山谷之中元氣未洩 カ薄矣一 必至貴之種後世相傳必擇其易于繁行者而種之 則種類之異也凡物之種類不一古人所

銀好四月

藥之治病有可解者有不可解者如性熱能治寒性燥 惟知定方其樂則惟病家取之肆中所以真假莫辨雖 代之又肆中未備以近似者欺人取利此藥遂失其直 矣其變遷之因實非一端樂性既殊即審病極真處方 有神醫不能以假藥治真病也 極當奈其樂非當時之樂則效亦不可必矣今之醫者 人欲得而用之尋求採訪或誤以他物充之或以别種 樂性專長論

改定四車全書一

暫學源流論

有不 謂單方秘方也然人止知不可解者之為專長而不知 能治濕芳香則通氣滋潤則生津此可解者也如同 不腐肉而腐骨則尤不可解者此乃藥性之專長即於 解毒也而雄黄則解蛇虫之毒甘草則解飲食之毒已 發散也而桂枝則散太陽之邪柴胡則散少陽之邪同 滋陰也而麥冬則滋肺之陰生地則滋腎之陰同 小豆之消膚腫然仁生服不眠熟服多睡白鹤花之 可盡解者至如鱉甲之消痞塊史君子之殺蛔虫

煎藥之法最宜深講藥之效不效全在乎此夫烹飪禽 豈非與造化相為點契而非後人思慮之所能及者乎 又不可每藥悉試而知竟能深識其功能而所投必效 當廣集奇方深明樂理然後奇症當前皆有治法變化 用或日用而忽馬皆不能盡收藥之功效者也故醫者 常用藥之中亦各有常長之功後人或不知之而不能 不窮當年神農著本草之時既不能睹形而即識其性 煎藥法論

为E四目在馬 一

醫學源流論

孟

建中 茯苓如五苓散則以白飲和服服後又當多飲緩水小 講乎其法載于古方之末者種種各殊如麻黄湯先煮 魚羊豕失其調度尚能損人況樂專以之治病而 減半去查再煎柴胡加龍骨牡蠣湯則煎藥成而後納 又 麻黄去沫然後加餘藥同煎此主藥當先煎之法也而 枝湯又不必先煎桂枝服藥後須吸熱粥以 気に屋 法 湯 也如茯苓桂枝甘草大棗湯則以甘 則先煎五味去渣而後納 卷上 餡 糖大柴胡湯則煎 瀾水先煎 助藥力 可 不

钦定四庫全書 一 雖中病而煎法失度其藥必無效益病家之常服藥者 滋膩之樂宜多煎取其熟而停蓄此其總訣也故方藥 發散之 藥及芳香之藥不宜多煎取其生而 疎遇補益 或尚能依法為之其粗魯貧苦之家安能如法制度所 止煎一二十沸煎藥之法不可勝數皆各有意義大都 以病難愈也若今之醫者亦不能知之矣况病家手 大黄其煎之多寡或煎水减半或十分煎去二三分或 服藥法論 醫學源流論 至

積滞而達之于下也必空服頓服使藥性鼓動推其垢 |暗消之理而榮氣反為風樂所傷矣通利之樂欲其化 柴衛熱氣周編挾風寒而從汗解若半温而飲之仍當 欲 病之愈不愈不但方必中病方雖中病而服之不得其 風坐立或僅寂然安即則藥留腸胃不能得汗風寒無 驅風寒出之于外必熱服而緩覆其體令樂氣行于 則非特無功而反有害此不可不知也如發散之劑 一大便解若與飲食雜投則新舊混雜而樂氣與食

をユ

宜晚宜飽宜飢更有宜湯不宜散宜散不宜九宜膏不 遺主矣當時韓康賣藥非賣藥也即治病也韓文公進 宜圓其輕重大小上下表裏治法各有當此皆一定之 樂之法宜熱宜温宜凉宜冷宜緩宜急宜多宜少宜早 古之醫者所用之藥皆自備之內經云司氣備物則無 至理深思其義必有得于心也 相亂則氣性不專而食積愈頑矣故傷寒論等書服 醫必備藥論

次定四車全書 ·

醫學源流論

至

醫者竟不知樂則樂之是非真偽全然不問醫者與樂 肆中令則舉世皆然夫賣樂者不知醫猶之可也乃行 之良也今止方人稱醫者為賣樂先生則醫者之自備 學解云牛溲馬為敗鼓之皮俱收並蓄待用無遺醫師 感冒之疾則以煎劑為主餘者皆用九散為多其九散 藥可知自宋以後漸有寫方不備藥之醫其藥皆取之 有非一時所能合者倘有急迫之疾必須九散俟九散 不相謀方即不誤而樂之誤多矣又古聖人之治病惟

止合一 欽定四庫全書 門 合非一 至于外科所用之煎方不過通散管衛耳若護心托毒 不常用不易得之樂儲之數年難遇一用樂肆之中因 為無用惟醫家合之留待當用者用之不終棄也又有 合就而人已死矣又有一病止須一九而愈合樂不 賴各種九散之力其樂皆貴重難得及銀煉之物修 , 問則亦不備惟醫者自蓄之乃可待不時之需耳 九若使病家為一人而合一料則一九之外皆 二日之功而所費又大亦不得為一人止合 醫學源流論

時所能備尤必須平時豫合乃今之醫者既不知其方 烙灸吊洗點弱等藥種種各異更復每症不同皆非 安能使極危極險極竒極惡之症令起死回生乎故樂 二九若外治之圍藥塗藥昇藥降藥護肌腐內止血行 有之亦惟取極賤極易得之一二味以為應酬之具則 亦不講其法又無資本以蓄藥料偶遇一大症內科則 瘀定痛煞痒提膿呼毒生肉生皮續筋連骨又有薰熬 煎方之外更無别方外科則膏藥之外更無餘藥即

者醫家不可不全備者也 世有書符請仙而求方者其所書之方固有極淺極随 乩方論

求治則必有能治病之思神應之雖非真純陽仲景必 仲景其方亦究然純陽仲景之遺法此其事甚可然亦 穏以之治病而神效者其仙或托名吕純陽或托名張 極不典而不能治病且誤人者亦有極為極古極奇極 有理馬夫的者機也人心之感台無所不通即誠心于

飲定四車全書 一

醫學源流論

桑

之處不肯鑿鑿言之此則天機不輕洩之故也至于不 意義反不若世之時醫用相反之藥以害人惟決死生 遊行于天地之間因感而至以顯其能而其人病適當 先世之明于醫理不遇于時而死者其精靈一 通不典之方則必持的之術不工或病家之心不誠非 愈則獲遇之此亦有其理也其方未必盡效然皆必有 真乩方也 熱藥誤人最烈論 時不散 爽乞四事 白書 幾味中病者或有幾味能解此藥性者亦不能殺人無 病 益誤樂殺人如此之難也所以世之醫者大半皆誤亦 比數害或其人病甚輕或其人精力壯盛亦不能殺人 凡樂之誤人雖不中病非與病相反者不能殺人即 死者不覺也其有幸而不死或漸自愈者反指所誤用 不見其日殺數人也即使殺之乃輾轉因循以至于死 用藥甚輕不能殺人性既相反藥劑又重其方中有 相反藥性平和者不能殺人與病相反性又不平和 醫學源液論 卒

血湧氣升若其人之陰氣本虚或當天時酷暑或其人 之樂以為此方之功效又轉以之誤治他人矣所以終 最烈益熱性之樂往往有毒又陽性急暴一入藏府則 身誤人而不自知其咎也惟大熱大燥之藥則殺人為 藥而佐以大補之品其人七竅皆血呼號宛轉狀如服 不察或云更宜引火歸元或云此是陰症當加重其熱 傷暑傷熱一 心煩肌裂神躁種種惡候一時俱發醫者及病家俱 投熱劑兩火相爭目亦便閉舌燥齒乾口

能生變此又不可全歸咎于醫殺之也 當然總之愚人喜服補熱雖死不悔我目中所見不 毒而死病家全不以為咎醫者亦洋洋自得以為病熱 **尺三日月 三言** 能殺人此乃其人之本領甚簿或勢已危殆故小誤 若大熱之藥斷斷不可救也至于極輕淡之藥誤用亦 謂命哉夫大寒之樂亦能殺人其勢必緩猶為可救不 垂涕泣而道之而醫者與病家無一 簿貼論 醫學源流論 能聽從者豈非所 至

肉之類其膏宜輕薄而日換此理人所易知治裏者或 金月口月 人之疾病由外以入内其流行于經絡藏府者必 隨病加減其膏宜重厚而久貼此理人所難知何也益 **今所用之膏藥古人謂之薄贴其用大端有二一以治** 乃能驅之若其病既有定所在于皮膚筋骨之間可 而得者用膏貼之閉塞其氣使藥性從毛空而入其腠 風寒或和氣血或消痰痞或肚筋骨其方甚多藥亦 以治裏治表者如呼膿去腐止痛生肌并摭風護 卷上 服藥

其察病情至真至確方中所用之藥必年對其病而無 方能有效否則不能奏功至于數熨吊渦種種雜法義 古聖人之立方不過四五味而止其審樂性至精至當 亦相同在善醫者通變之而已 之法為良但製膏之法取樂必真心志必誠火候必到 力此至妙之法也故凡病之氣聚血結而有形者薄貼 理通經貫絡或提而出之或攻而敗之較之服樂尤有 貌似古方欺人論

改定四車全書 ~

醫學源流論

不能以一 毫髮之差無一 後世之方藥味增多非其好為雜亂也乃學不如古人 症甚雜未免欲無顧則隨症增一二味而樂又增矣故 其如天下之風氣各殊人之氣票各異則不得不依右 與古方所治之病無少異則全用古方治之無不立效 其藥味雖少而無症不該後世之人果能審其人之病 人所製主病之方畧為增減則藥味增矣又或病同而 1 117 | 藥該數症故變簡而為繁耳此猶不失周詳 味泛用之藥且能以 卷上 樂無治數症故

審藥性更不記方書以為此乃漢人之法嗚呼今之所 熱之品不論傷寒暑濕惟此數種輪流轉換以成一方 時之輩竟以人參附子乾姜蒼末鹿茸熟地等峻補辛 也乃近世之醫動云效法漢方樂止四五味其四五味 之劑藥味至十餘種自唐以後之方用藥漸多皆此義 之意且古方之設原有加減之法病症雜出亦有多品 次足の事公島 一 種種與病相反每試必殺人毫不自悔既不辨病又不 之藥有用浮泛輕淡之品者雖不中病猶無大害若趣 醫學源流論 奎

